

म्वानाः क्यने

– कृष्ण शरण चखूं
बाथ, बेलायत्
१० मार्च् २००७

लंकेमफु खुल्लमिगु थ्व नुगः
गंकेमफु ख्वबिं प्याःगु मिखा निगः
क्यनेमफु न्हाक्व दुने वा फय् वःसां
न्हिलाः हे जुइमाः म्हुतुसि प्यकुंसां

स्वैत कने जिं थूम्ह सु दु थन
छम्ह दु स्यूम्ह तर गन वं गन
न्हिं न्हिं वैथें आशां जक क्यन
हेहे मलाः स्वाँ इवाः जुइथे च्वन

कँथं जाःगु जीवन् या लंपुई न
'थाकुल' मधाःसे यक्व जुई नं
पलख जूसां झासू लनाः
दुःख फुकं लोमंके नं

सेल्लाके माल आ थःतः चिनाः सां
बल्लाके माल आ नुगःचु ज्वनाः सां
ख्वेगु मखु आ न्हिलाः क्यने
सिनाः मखु आ म्वानाः क्यने